

第〇七五冊

方輿彙編

職方典

宣化府部

（卷）
一覽一函

古今圖書集成

中華書局影印

欽定古今圖書集成方輿彙編職方典

第一百四十九卷目錄

宣化府部彙考一

宣化府建置沿革考

宣化府疆域考

宣化府星野考

形勝附



職方典第一百四十九卷

宣化府部彙考一

宣化府建置沿革考

本府

通志宣徽志合載

唐帝遭洪水天下分絕使禹平水土還爲九州

時地屬冀虞帝肇十有二州一曰幽州置牧時

地屬幽夏王受禪執玉帛者萬國乃復爲九州

地歸冀商王當夏之衰諸侯兼井既受命亦爲

九州分統天下地仍屬冀周武王分天下爲九

畿成王復曰九州掌以職方氏時屬幽境今北

齊報王時燕置上谷郡築長城制之至燕王喜

八年割山後地與趙相易二十三年趙又攻拔

三十城自廣秦始皇二十六年既并天下分爲

三十六郡其一上谷漢高帝五年分上谷郡地

爲涿郡各置郡守北曰上谷武帝元封元年分

天下爲十三部郡屬幽州部更郡守爲太守其

屬縣治以令縣曰沮陽今保泉上今保泉今

衛軍都後發昌平居唐今爲能督今保泉今

安寧今永寧北昌平今廣寧今隆涿鹿今保

且居今廣寧外茹茹女祁州北下落城今

置陽原今正隆左右衛代州衛廣昌今置千

別屬代郡孺子嬰居攝三年王莽篡漢改上谷

郡曰朔調改太守曰大尹及改上谷諸縣名與

日熱調李溫日沮陽秦上日東泉日新寧

黃日欽武女日光武建武十五年復爲上谷

郡置守尋徙吏民居庸東避匈奴增調屯兵備

之二十六年歸所徙吏民以昌平居庸南屬廣

陽今順其泉上夷與且居茹女祁並省餘八縣

存治以令獻帝建安十八年以羌兵大擾吏民

流散省幽并爲一復屬冀二十五年魏曹不初

篡經略邊土更分幽并屬幽晉武帝太康元年

分郡地置廣寧郡以沮陽居庸屬上谷下落

涿鹿縣屬廣寧郡餘爲鎮分屬懷帝永嘉五年上

谷廣寧民以幽州刺史王浚謀逆歸并州刺史

劉琨于中山於是浚伐琨歸其民琨帝建興二

年石勒襲浚殺之以前書劉琨行幽州刺史事

置諸守令還輸乃以二郡歸段匹碑成帝咸和

四年後趙石勒破匹碑郡降趙穆帝末和六年

燕慕容皝破趙幽州遂遷郡人于徐無帝奕太

和五年秦苻堅伐燕滅之郡降秦孝武帝太元

元年秦慕容垂叛自號後燕郡降燕二十一年

魏王珪攻燕上谷廣寧二郡降魏宋順帝昇明

三年魏合上谷廣寧爲東燕州改其縣下落曰

文德陽原曰長寧餘仍舊陳武帝未定二年齊

改東燕州爲北燕州置長寧末豐二郡屬長寧

東屬隋文帝開皇七年各易州爲上谷郡省北

燕州以諸縣屬涿郡尋增置涿陽開陽三

縣附焉唐高祖武德元年改郡爲州七年高祖

道誅遂改懷戎爲懷戎北燕州太宗貞觀八年

復改北燕爲妫州與武州西接於突厥者咸取

之屬河北道元宗興資十載改妫州爲妫川郡

以山後諸縣屬穆崇長慶三年改妫川郡復爲

妫州領縣一懷戎改涿鹿爲新州領縣四永興

磐石龍門懷安改廣寧爲儒州領縣一繕山俱

置刺史屬盧龍道尋改屬河東武宗會昌年置

山北八軍武州曰雄武新州曰武定妫州曰清

平儒州曰緡陽長寧曰橫野蔚州曰忠順其彰

國順義二軍西屬應朔統置團練使昭宣帝天

祐十一年契丹入寇武新妫儒州以次陷遂改

武爲歸化州妫爲可汗州新爲奉聖州餘仍舊

朱真宗祥符七年契丹置奉聖州轉運使天禧

三年契丹分歸化地置德州下刺史今萬全領

縣宣平口懷安天成安西改屬大同威寧

今左衛置北安州興化軍雲州東二百里上刺

史領縣利民且置弘州博寧軍下刺史領縣

末寧非今永寧也順聖今順聖仁宗景祐三年

契丹置興州中興軍領縣宜興與安興地元興

路徵宗宣和四年金陷契丹舊武新妫儒蔚州

因尋盟以其地歸宋宋築固疆堡守之六年復

陷於金高宗建炎二年金改弘州博寧軍爲保

寧尋廢軍存州領縣仍二其末寧改曰襄陰順

聖如故其鎮曰陽門縣今懷安地大羅孝宗乾

道三年金改歸化州為宣化州領縣宣德今鎮

柔遠今鎮尋省德州以所屬縣來屬

光宗紹熙三年金陸柔遠縣為撫州置上刺史

至承安二年陸節鎮名鎮軍軍領縣柔遠集寧

今懷安豐利今鎮威寧今鎮仍置昌州今鎮

西北安并寶山縣今人來屬寧宗嘉定二年金

陸奉聖州為德興府置尹領縣德興今鎮更媽

川今鎮縉山今鎮雲雲今鎮春山今鎮割宣德

之龍門縣屬五年元陷宣德改宣寧州置山東

路總管府理宗景定元年元陷撫州為隆興府

割宣德之懷安天成高原改柔遠三縣屬名典

和路置宣慰司陸桓州為開平府割典州之宜

典與安二縣屬名上都路置雷守司四年元陸

宜寧州為宣德府領縣三宣德宣平順聖仍以

蔚州並縣來屬隸上都路罷總管府度宗咸淳

元年元降德興府復為奉聖州隸宣德府元成

宗大德八年置松州領縣松雲置寧州領縣寧

置源州領縣隆興今鎮府屬上都路後寧州

存今鎮仁宗延祐二年陸縉山縣為龍慶州并

割上都之宣德府及所屬州縣隸大都路奉定

帝奉定二年以宣德府復隸上都留守司順帝

至元四年以地震改宣德府為順寧府奉聖州

為保安州明洪武元年命大將軍徐達取大都

元主如開平二年征虜將軍常遇春兵至開平

都督汪興祖兵至興和元主乃奔應昌遂取之

因置開平衛指揮使司興和懷來俱守禦千戶

所三年命平章湯和取宣德參政華雲龍取雲

州左副將軍李文忠取應昌今在諸郡縣皆附

因徙其民如居庸關諸郡縣廢特遣將卒番守

之名宣德曰宣府二十六年置宣府前左右三

衛于宣德置萬全左右二衛于宣平置懷安衛

于懷安廢縣俱領以指揮使并開平興和懷來

衛所隸北平都指揮使司永樂十一年置隆慶

州即元及未寧縣十二年置保安衛于廢州置

美峪守禦所于美峪在保安南十三年復置保安州

結後衛美峪後于北里城置未寧衛附縣郭置

保安右衛治順聖東城十六年改懷來所為衛

革北平都指揮使司諸衛所直隸京師二十年

棄典和徙其守禦所附宣府宣德五年徙居庸

關隆慶右衛附懷來隆慶左衛附未寧割大同

之蔚州衛及廣昌所來屬棄開平徙其衛治獨

石六年置龍門衛于廢龍門縣置龍門守禦所

于廢縣之東莊

皇清康熙三十一年巡撫直隸右副都御史郭世隆

疏言宣府向設鎮道復設十衛六廳及各營弁

分理錢糧驛務然廳員限于佐貳管衛皆屬武

弁予以臨民不特所用非其所長亦且政多扞

格各衛既無漕運屯田之責以武弁而膺民社

之寄徵糧之責與官制終有未協宜裁六廳七

衛改設一府八縣庶文武均有職守軍民知所

適從下九卿會議如其所請奉

旨允行以宣府鎮為宣化府倚郭為宣化縣順聖西

城為西寧縣萬全右衛為萬全縣懷安衛為懷

安縣蔚州衛為蔚縣懷來衛為懷來縣赤城堡

為赤城縣龍門衛為龍門縣

宣化縣附郭

按畿輔通志周職方氏屬幽境為北燕地春秋

北燕地戰國屬燕上谷郡秦上谷郡地漢置下

落縣屬幽州部涿郡東漢建武間復改涿郡為

上谷郡獻帝末省幽并為一復屬冀晉改為鎮

後為馮跋所據南北朝後魏改名文德縣屬東

燕州北齊改東燕州為北燕州隋屬涿郡唐陞

為武州仍置縣屬河東道五代後唐仍武州後

晉以州路遠遼初改名歸化州後分置德州金

天眷初改名宣德州屬大同府大定中改名宣

化州元初改名宣寧府尋改為山東路總管府

中統初改為宣德府屬上都路至元中以地震

改名順寧府明洪武二十六年置宣府前衛附

郭宣府鎮城屬萬全都指揮使司

皇清順治十年省宣府左右二衛及典和所康熙七

年裁萬全都司俱併於宣府前衛三十二年改

為宣化縣

赤城縣

按畿輔通志上古地理志古諸侯蠻九所都之

地遼屬北安州興化軍金屬桓州威遠軍元屬

上都路開平府明宣德間置堡隸宣府北路

皇清隸宣府上北路康熙三十二年改為赤城縣

萬全縣

按畿輔通志漢正陵縣地唐屬河東道遼屬德

州金柔遠縣明昌三年陞為撫州元屬宣德府

明洪武二十六年置萬全右衛屬萬全都指揮

使司成化十年分隸宣府西路

皇清因之康熙三十二年改為萬全縣

龍門縣

按畿輔通志唐龍門縣屬新州遼屬歸化州金
屬宣化州元省入宣平縣明宣德六年置龍門
衛屬萬全都指揮使司宣德四年分隸宣府北
路萬曆十八年改隸宣府中路

皇清順治六年省金家莊三岔口隆門關三堡併於
龍門衛十三年裁中路併隸宣府下北路康熙

三十二年改為龍門縣

懷來縣

按畿輔通志周春秋北燕地戰國燕上谷郡地
秦上谷郡地漢置潘縣屬涿郡東漢屬上谷郡
晉改為鎮南北朝後魏屬東燕州北齊屬北燕
州隋屬涿郡唐改名懷戎縣屬北燕州後改北
燕州為妫州遼改為懷來縣金元俱因之明初
廢縣置守禦所永樂十六年改為懷來衛屬萬
全都指揮使司成化五年分隸宣府東路

皇清順治十六年省延慶右衛併於懷來衛仍隸宣
府東路康熙三十二年改為懷來縣

蔚縣

按畿輔通志周幽州境春秋屬晉地戰國趙地
屬代郡秦置代縣屬代郡漢代縣屬代郡東漢
屬代末廢晉屬代南北朝後魏置靈丘郡後周
兼置蔚州隋廢唐復置蔚州治靈丘開元徙治
安邊更為安邊郡會昌間更為忠順軍遼忠順
軍金蔚州治靈仙縣屬宣化州元屬宣德府明

洪武初屬大同府宣德五年改屬萬全都指揮
使司成化二十年分隸宣府南路

皇清因之康熙三十二年改為蔚縣

西寧縣

按畿輔通志周職方氏屬幽境為北燕地春秋
北燕地戰國屬燕上谷郡秦屬上谷郡漢置陽
原縣屬代郡東漢獻帝末省幽并為一復屬冀
晉太康初更屬原縣為鎮屬上谷郡南北朝後
魏太和元年更屬原縣為長寧縣屬東燕州北齊
天保九年更為長寧郡屬北燕州隋屬涿郡唐
天寶初屬妫川郡會昌間更長寧為橫野軍遼
開泰三年置弘州博寧軍鎮縣曰永寧倚金
改弘州博寧軍為保寧軍尋廢軍存州改永寧
為襄陰元弘州襄陰縣明華州縣為順聖西城
隸宣府南路

皇清因之康熙三十二年改為西寧縣

懷安縣

按畿輔通志漢舞與縣地唐置懷安縣屬新州
遼懷安縣屬德州金省德州以縣併屬宣化州
元屬興和路明洪武二十五年置懷安衛屬萬
全都指揮使司成化十年分隸宣府西路

皇清因之康熙三十二年改為懷安縣

延慶州

按畿輔通志上古縉雲氏所都周春秋戰國俱
屬燕秦屬上谷郡漢置廣寧縣屬涿郡武帝以
郡屬幽州部東漢復改涿郡為上谷郡獻帝末
省幽并為一地復屬冀晉武帝分郡地復置廣

寧郡南北朝後魏合廣寧上谷為東燕北齊改
東燕州為北燕州隋屬涿郡唐開元中改廣寧
為儒州治縉山縣天寶年復改為州武宗會昌
年置儒州縉陽軍遼改為可汗州金廢州仍名
縉山縣屬德興府元仁宗誕祥於州東香水園
改為龍慶州明洪武初徙民於關內州廢永樂
十一年復置改名隆慶州分置永寧縣移宗改
元隆慶復改名延慶州

皇清因之
保安州

按畿輔通志上古名涿鹿相傳為黃帝破蚩尤
處周春秋戰國俱屬燕秦上谷郡地漢置涿鹿
縣屬幽州部涿郡唐改涿鹿為新州後於新州
置武定軍遼改新州為奉聖州金陞奉聖州為
德興府元至元間改奉聖州為保安州明永樂
間置保安衛後移衛治於深家站復置保安州
於此

皇清因之

宣化府疆域圖



宣化府疆域考
府州縣志合載

本府

東至邊界一百一十五里
西至山西大同府邊界一百四十五里
南至保定府易州涑水縣界二百十里
北至張家口邊界六十五里
東南至順天府昌平州界二百五十里
西南至大同府天城衛界一百五十里
東北至廣開平衛治七百里

西北至邊界一百六十里由府城至京師三百五十里
東西廣四百九十里南北袤六百六十里
宣化縣附郭
東小定州營與懷來縣達子營交界距城一百五十里
西至泥灣與懷安縣太平寨交界距城三十五里
南牛家窩與懷來縣貼家莊交界距城八十里
北東曉與龍門縣之常峪青邊交界距城四十里
東南趙家棚與懷來縣保安州牛角窩交界距城二百二十里
西南三岔莊與西寧縣馬圈子交界距城一百一十五里
東北大楊家營與龍門縣關底交界距城八十里
西北高家屯與萬全縣營房里交界距城五十五里
赤城縣按赤城縣即舊赤城馬營等堡屬上下其四隅里數未詳據方輿路程考略補入
東至龍門所三十里至邊界四十五里
西至龍門縣界三十里
南至龍門縣界二十里
北至獨石邊界九十里
東南至邊界四十五里
西南至龍門縣治六十里

東北至鎮安南河口邊界五十七里
西北至馬營邊界五十五里
萬全縣按萬全縣即舊萬全右衛張家口等堡屬西路未有縣志據方輿路程考略補入
東至宣化縣三十里
西至山西大同府邊界八十五里
南至懷安縣界三十里
北至邊界三十里
東南至宣化縣八十里
西南至懷安縣治八十里
東北至邊界二十五里
西北至邊界五十里
龍門縣按龍門縣即舊龍門衛葛峪等堡屬上入
東至赤城縣開平衛界七十里
西至萬全縣界一百二十里
南至保安州界七十里
北至邊界三十里
東南至懷來縣治一百七十里
西南至宣化縣界七十里
東北至開平衛界五十里
西北開平
懷來縣按懷來縣即舊懷來衛土水等堡屬東路未有縣志據方輿路程考略補入
東至延慶州界二十里至州治五十里
西至保安州界五十里
南至順天府昌平州界五十里
北至龍門衛界二十里

東南至昌平州治一百五十里

西南至保安州界七十里

東北

西北

蔚縣按蔚縣即舊蔚州衛後花等堡屬南

東至保安州界九十里

西至山西大同府蔚州界無里數至山西大同

府廣昌縣界五十里

南至山西大同府蔚州界三十里至黑石嶺七

十里

北至西寧縣界十里

東南

西南

東北

西北

西寧縣按西寧縣即舊順聖川西城屬南路

東至宣化縣界八十五里至縣治二百里

西至山西大同府天城衛界十五里

南至大同府廣昌縣界四十里

北至天城衛界二十五里

東南至蔚縣界九十里

西南至蔚縣治七十里

東北至宣化縣界一百四十里

西北至天城衛治六十里

懷安縣按懷安縣即舊懷安衛西陽河等堡屬

東至宣化縣界四十里少北至縣治又八十里

西至山西大同府天城衛界三十里至衛治六

十里

南至西寧縣界三十里

北至萬全縣界七十里

東南至宣化縣界七十里

西南至西寧縣治八十里

東北至萬全縣治八十里

西北至萬全縣界六十里

延慶州

東二十里呂莊屯

西二十里大兵馬營

南二十里岔道里

北十五里羊房堡

東南至昌平州界五十里以下據方輿

西南至懷來縣界二十里

東北至末寧衛界五十里

西北至宣化縣二百里

保安州

東至沙城堡七十里界懷來縣

西至深井城八十里界西寧縣

南至馬水口一百五十里都保府屬縣

北至雞鳴驛三十里界宣化縣

東南至

京師三百六十里

西南界保岱堡三十里

東北界洋河二十五里

西北至郡六十里

形勝附

本府

前望

京都後控大漠左扼居庸之險右擁雲中之固飛

孤紫荊控其南長城獨石枕其北居庸屹險於

左雲中結固於右羣山疊嶂盤據錯峙誠足拱

衛

神京彈壓邊徼

宣化府附郭

羣山環拱於東北洋河縈繞於西南居東西道

里之中實一鎮要會之地

本城據鎮上流稱都會之地重兵屯聚頗足彈

壓

赤城縣

重山突出俯垂北荒相倚宣鎮地形類虎此其

虎首也

萬全縣

東據清水河西據枳兒嶺南距興寧口北據野

狐嶺

龍門縣

背負層巒坐擁邊城當西北兩路之衝爲全鎮

唇齒之地

懷來縣

東據黑山西接雞鳴南距居庸關北據龍安山

重山列東北之險居庸壯表裏之威羽儀鎮城

拱護畿甸

蔚縣

蔚於北塞爲巨郡而當宣府大同之間前代有

鐵城之目

西寧縣

東接美峪關西盡順聖川北據盤崖山南接紫

荆關

襟帶桑乾表裏紫荆

懷安縣

山勢自東北而來至此漸低雖有野狐舊勝之

固較之他路殊有間矣

延慶州

南挹居庸之固北距龍門之險

保安州

北憑洋水南控紫荆有河山之饒耕屯之利

地屬京圻北控險阻

宣化府星野考

宣鎮志

府總

史記尾箕幽州

註張守節正義曰尾箕爲析木

之津燕分野今考之順天河間占尾箕宣府占

尾

漢志燕地尾箕分

晉志自尾十度至四十一度爲析木

唐志初尾七度餘二千七百五十秒二十一少

中箕五度終南斗八度自渤海九河之北得漢

廣陽上谷

宋志尾九星去極一百二十七度半

金史尾三度九十七分九十二秒外燕分

明一統志萬全隆慶保安尾分野

欽定古今圖書集成方輿彙編職方典

第一百五十卷目錄

宣化府部彙考二

宣化府山川考

水利附

職方典第一百五十卷

宣化府部彙考二

宣化府山川考

本府宣化縣附郭

畿輔通志鎮志合載

天德山 在鎮城西北三十里落日晚照霞彩

燭然

燕然山 在鎮城東南三十里相傳爲竇憲紀

功處山有疊翠巖齋雨澄風青翠欲滴

北山 在鎮城北宣俗四月初一日傾城游此

笙歌鼎沸車馬川流極一時之盛

東望山 在鎮城北三十五里

西望山 在鎮城北三十五里有遼國西望

山舍利之碑

湯池山 在鎮城東六十里溫泉出焉

馬鞍山 在鎮城東北七里

八寶山 在鎮城東六十里

黑山 在鎮城東四十里土石多黑

黃羊山 在鎮城東南三十里雲發則雨居民

視此以候陰晴實無黃羊也明孫世芳詩空濛
山色對孤城那有黃羊浪得名但取蒸雲蘇萬
物無須叱石驗初平東郊尋友踏春青遙望山
巔雨細零牧子荷蓑來訊夢爲占旗旄蓋驂停
年來山下舞商羊每過田疇祇自傷荆石可移
山頂上倩人爲我且鞭陽五卯占雲向碧空春
農忻得雨濛濛常將政理孚元宰不羨當年晉
曠聰

鶴兒嶺 在鎮城東南三十里古藥兒嶺唐李

可舉破李克用兵于此金劉迎過嶺古詩二首

其一馬廼墮牛殺鯨山行縈紆車輕轆路傍指

點是官人老矣一翁雙鬢禿汝牛幸可耕汝馬

幸可騎有此可載琴書歸胡爲奔走東西道白

髮刁騷被入笑其二沙漫漫草斑斑南山北山

相對看我行乃在山之間行人仰不見飛鳥樹

木足知邊塞少沙漫漫草斑斑我行欲趁西風

還僕夫汝莫愁衣單我但著衣思汝寒元李溥

光詩城城寒沙沒馬蹄蕭蕭邊吹葉征衣冰堅

石齒河聲斷霜落川牙樹影稀長路幾經行客

老青山長見白雲飛何時還却行緣依卓簡茅

庵冷翠微

斷雲嶺 在鎮城西北二十里有陰雲籠伏

如阻斷然

石峯洞 在鎮城北六里

聖音洞 在鎮城北五里

四角洞 在鎮城西北

龍洞 在鎮城西南六十里

洋河 在鎮城南五里源出境外東流入桑乾
河水至冬月盡冰惟對城一泓融液不凍
清水河 在鎮城西二里南流七里與洋河合
泥河 在鎮城東十五里自開子口西南流四
十里與洋河合

赤城縣

赤城山 在赤城堡東五里山石多赤故名

野鷄山 在赤城堡西北七十里多雉故名

偏嶺山 在舊開平正北四十里

臥龍山 在舊開平城北三里元上都北枕龍

岡卽此山也

南駝山 在舊開平城南四十里

簪纓山 在獨石城東三十里有墩可瞻三

百里

星山 在獨石城南里許平地一石屹然特起

上構亭廟一名丈夫石

崆峒山 在獨石城南十里

蔥高山 在獨石城東北十里眺見遼海

龍門山 在雲州堡東北五里許兩山對峙如

門塞外諸水出其下故又名龍門峽

金閣山 在雲州堡西南十五里元人建崇眞

觀於此前有遊仙峪

棋盤山 在雲州堡東北四十里山峯高峻人

鮮能到嘗有仙奕於此今方石棋局尚存

鶴山 在馬營堡東二里舊多松檜有鶴來棲

雷山 在馬營堡東五十里有廟基雖大雨

雪扯地一點不存每春遙祭祈省風靈

甌帽山 在開平衛城西北一十里

東山 在開平城東三十里極高峻上有墩可聯三百餘里

牛心山 在舊開平城四十里

玉石溝山 在赤城西七十三里

望國崖 在望雲川東北去保安州四十五里

下有檐子窪元黃滑詩自從始出關數日走崖谷迢迢度偏嶺險盡得平陸陟陀皆土山高下紛起伏連天暗豐草不復見林木行人煙際來牛羊雨中牧颯然衣裳單咫尺變寒燠竚立方有懷相逢仍問俗畏途宜疾驅更傍漯河宿

獨石 在開平衛城南一石屹起平地上可構數楹因建神廟元黃滑詩解鞍及亭午稍欣烟霧收蒼然重山出歷歷如雕鏤前瞻一獨石靈官居上頭頗聞去年夏水激龍騰激走避登山屋夜半齊呀咻幸茲溪澗中令作清淺流宴安不可懷變化成難求翠華更在望行矣勿淹留

常寧山 在城西十里

東勝山 在城東五里

太保峪 在城西南十五里

紅山 在馬營堡東南二十里極高赤色紗帽山 在馬營堡北二里形如紗帽

蒼崖 在馬營堡南二十五里有飛泉

樺嶺 在馬營堡北五十里多產樺木

捨身崖 在雲州城北五里

劉不老山 在赤城西北四十里曾有劉姓者修真於此因以名之

青羊塞山 在赤城西南十五里

紅山泉 在紅山下南流合東河

紅泉 在紅山下東流合大河入龍門峽

獨石泉 在城東北隅極澄澈其甘如飴滿而不溢

甌帽川 在城西北八里

鼓箕河 閭河 俱發源開平廢縣東北松林中南流合入漯河

赤城湯 在鎮城東百四十里水自龍門鎮北鄉赤城寺側山根湧出暴熱而流傍有一冷泉隨人浴之皆可愈疾

免河 源發開平廢縣西南二百餘里上沙澗中東流合入漯河

香河 源發開平廢縣東北松林中南流合入

漯河

韭菜川 在開平衛城東發源東山流衛城南

合龍帽川

龍門川 在雲州東合獨石紅山二水從龍門峽南下故名

金蓮川 在雲州東北金世宗納涼地產黃花狀若芙蓉而小因以金蓮名川明陳剛中詩茫茫金蓮川日映山色緒天如碧油幢萬里翠平

野中何所有深草臥羊馬昔人建離宮今存但古瓦秋風吹白波猶似哀淚灑村女採金蓮

芳香紅滿把豈知步蓮人豔骨掩泉下人生如蜉蝣百年無堅者安得萬斛酒浩歌對花瀉

萬全縣

瓦窑山 在萬全左衛城東南五里以陶甕所

在

翠屏山 在萬全右衛城北三里兩峽高百餘丈望之如屏金周鼎詩去歲翠屏下臨流看湧波愁將新鬢髮還對舊關河翅健翻秋隼峰高

並晚馳草深饒虎跡夜黑欲誰過地擁山河壯營開劍甲重馬牛來細路燈火出寒松刁斗方

嚴夜羔裘欲禦冬可憐天設險不入漢提封

北高山 在洗馬林堡西二十五里

孤山 東山在洗馬林堡北四十里獨出羣山之西

之上西山在堡西北三十里陡峻特立內產赤石人取之爲繪畫用

馬頭山 在洗馬林北四里山下有泉盛暑亦寒

水泉山 在張家堡北四里

大王山 在城南二十里

炭山 在縣西南四十里

紫巖山 在縣西北五里極高聳從危磴而上羣峰掩映下有泉水

大尖山 在城東北六里

小尖山 在城西北三十里

桃山 在新河口堡東北三里

北高山 在洗馬林西二十五里邊巒倚其西麓

麓

高山 東高山在張家口堡東七里西高山在堡西七里相去數十步對峙如門張家口之名

以此

寺兒山 在張家口西四里

寨兒嶺 在洗馬林南十五里其山四合若寨

虞臺嶺 在新河口東北十二里弘治十一年

寇騎大入守將不能禦游兵六千殲焉

蔣麻嶺 在城西北元時居河見渾軍及回回

部於蔣麻林即此

野狐嶺 在縣北三十里勢極高峻風力剛猛

鴈飛過風輒墮地

紅崖 在張家口東北十里

黑龍洞 在洗馬林西南

水關洞 在馬頭山之陽

南沙坡 西路東關驛牧地在驛西南南沙坡

洋河 亦名東洋河即古于延水也在縣西南

自山西天城衛塞外流入又東入萬全左衛界

西洋河 亦名西陽河即古延鄉水也在縣西

南自天城衛流入與于延水合

南洋河 亦名南陽河即古鴈門水也在縣南

自天城衛流入與于延水合

清水河 在縣東北

愛陽河 在縣西

孫才溝河 在洗馬林西南十里

東沙河 在新河口堡東北一里自塞外流入

水淺沙淤

紅草溝 在衛城西北一十二里許

柳溝 在縣東

正南泉 在新開口堡南四十步

龍池泉 在右衛城東南其水清冷引而南入

城中可濯畦園

大水泉 在膳房堡北三里

清水泉 在新開堡西南六十步

康濟井 在縣北二里鑿於山巔極澄澈

龍門縣

八仙山 在長安城西二里峯頂高聳者凡八

中有石室深二丈闊七尺

龍潭山 在長安城西一里有瀑布泉

石盤山 在長安城東南二十五里

雙塔山 即塔溝山在城西十五里兩峯極高

各有浮屠一座元至元丁酉年建

娘千山 在鎮城西二十里極高無險

椶樹山 在大白陽南四里上有古椶樹

假頭山 在常峪口北三十里

石壁山 在青邊口北十餘里

熬頭山 在羊房堡西北十五里有巨石突

出高闊數十百丈因建墩臺以便瞭望

七峯山 在城北八里

鷹窩山 在城東南四里

鷹嘴山 在城西南十里遠望若鷹嘴然

孔龍山 在城南十五里崖有孔極透明

鳳凰山 在城南百步

馬鞍山 在城南二里以形狀名

松山 在城東南里許

獅子峪 在城北三十里有石如獅

黑峪 在城南十里

剪子峪 在城東二十里即大嶺山其形如剪

李老峪 在長安嶺北三十里元黃潛詩緣崖

一逕微入峪雙崦密林日易曠况乃雲雨積

行人望烟火客舍依山色家僮為張燈野老煩

避席未覺風俗殊祇驚關河隔嚴程不可緩子

規勿勸客

浩門嶺 在鴈鵲堡北二十五里有松數百

株鬱然蒼秀

長安嶺 即槍竿嶺又名桑乾嶺元陳孚桑乾

嶺詩昔聞桑乾名今日登桑乾桑乾是否不必

問但覺兩耳天風寒大峯小峯屹相向空際豁

斜一千丈燕雲回首夕陽間長川歷歷平於掌

人家如蠟粘石壁白土堆簷高半尺門外駝車

風雨來平地轟轟驚露簾漢唐百戰場綠草今

滿磧野夫耕田間猶有舊鐵鼓道傍誰歎三嘆

息布袍古帽江南客

筆架峯 在城南十五里

龍王嵯 在城西北八里嵯峨高聳六月間雲

從此出則大雨猝至

磨盤嵯 在城西十里山如磨盤然

仙鶴洞 在黑峪其洞最深常有鶴棲宿於內

燕窩石 在黑峪有石形如燕子窩內可容數

十人

碧落崖 即滴水崖在鴈鵲堡東四十里石崖

滴水去地百餘仞隆冬不凍東有香爐峯

清水河 在城南百步

漾田河 發源獨石境外在城南二十里

東莊泉 在城東二里

凉水泉 在城東南七十里

南河 在鴨鵝堡南自剪峪狗村合流至此東南流入通州白河

大海陀潭 在鴨鵝堡東三十里大海陀崖谷間有泉下匯為潭歲旱禱雨輒應

柳溝 在葛峪堡東三里泉流成河居人利之

龍潭 在白廟堡東北七里

碾槽溝 在小白陽北

釜底湯 在白廟堡南二里冬夏水溫習之熱

脩水池 在趙州堡東八里白廟堡內

深井 在鎮城西南六十里深不見底

洪贊井 在長安嶺西

懷來縣

水谷山 又名龍山在城南十六里

水頭山 又名笑隱山在城南二十里元釋忻笑隱嘗棲此因名

松峯山 在城南三十里

螺山 在城北十餘里有奉化寺樹木森茂多資民用元李溥光螺陽道中詩青山綠水萬家鄰一井川原畫障新紫塞風光推獨擅錦城佳麗入橫陳桑麻附郭公私足花柳無邊富貴春寄語尋芳行樂客不須奔走洛陽塵

孝文山 在保安衛城北八里魏孝文駐蹕處一名八寶山

奠顏山 在潘縣漢封劉信為奠顏侯取此

緡山 在保安衛東南二十里

黃山 在城西北十五里

青山 在城西北十六里

軍都山 在城南五十里東西極高聳

黃家山 在城東北三十五里

水谷山 在城南十六里又名龍山

居庸山 在懷來衛東連盧龍碣石西囑太行恆山

良山 在城西十五里本名狼山明成祖駐蹕於此因改今名

翠峯山 在城西北八里

緡陽山 在城北十三里

釜山 有熊氏時幸釜山合諸侯符因定都涿鹿作合宮祀上帝布政釜山在懷來城北

吹簫峯 在城西南三十五里

火石嶺 在城南二十里產五色火石

桃花巖 在城南三十里

乳香巖 在城西南三十里相傳昔有乳香自崖上滴成老子像

棒槌峪 在城東南三十里

古廟岡 在城東三十里上有古廟

水泉岡 在城南八里

鴿子塹 在保安衛東北十二里

合河 在懷來衛西合渾河鳩川入洋河

渾河 在保安衛西南二十五里今鳩川洋河交流至盧溝入海即桑乾河

燕尾河 在保安衛南二十里桑乾洋河合流如燕尾然

清水河 在縣西二十里保安衛城西東流入洋河水極澄清

媽水河 在懷來衛南一里發源延慶衛龍灣歷延慶州至衛境西南流五十五里匯緡山河

阪泉 有熊氏時帝幸阪泉以榆罔侵凌諸侯來伐阪泉今在懷來東北

溫餘水 在懷來衛軍都山下

郭水 潞水 俱在懷來衛

鏡泉 在懷來衛南七里

蓮花池 在懷來衛西五里相傳為蓮蕭后種花之所

養鵝池 在懷來衛境水四時不竭相傳遼時所鑿

玉石溝 在保安衛城北二十五里產花斑石似玉琢磨可以成器

裘溝 在保安衛城東北十五里

龍潭 在懷來衛西北四十里禱雨有應

龍湫 在保安衛孝文山麓旱禱即雨

蔚縣

九宮山 在城東四十里金章宗清暑處明晏璧宮巖夜語詩蔚縣古宮巖中有神仙府洞底激流泉夜深作人語松林撼晨風竹洞灑秋雨會當約良朋巖前話今古

雪山 在城東七里

玉屏山 在城西北六十里金季純甫號焉

五臺山 在城東六十里夏有積雪不消明晏璧詩臺山高壁峨雪積山頂老向來翡翠屏化

作瓊瑤島虎行迷故丘鶴歸失華表何由陟層崖鑿冰拾瑤草

高山 在城西北七十里

襄山 在城北八十里

太白山 在城東南三十里多奇石其紅土可為印色相傳周穆王乘八駿遊天下至此馬斃其血化為紅土焉明晏壁詩高山懸馬頭土色紅如血花簇錦障泥藤曼青絲絡山鳴口長嘶石滑蹄新鑿遊客晚停驂鐫崖刻佳作

永草山 在城東南五十里金章宗獵處

靈仙山 在城西南二十五里上有三奇石夕陽照映儼如三仙明晏壁詩峯嶸靈壽山晚照相掩映翠巘入微茫丹崖分遠近樵人各還家高僧時入定孤鶯帶落霞飛來山谷暝

麻田山 在城東南七十里

松子山 在城東南六十里多產松實

店字山 在城東南四十里

石佛山 在城東北七十里

翠屏山 在縣南三十里即北口山

玉泉山 在縣西南二十五里

石門山 在縣西南三十里

高是山 在城西北七十里

登梯山 山甚高盤踞十五里躋如梯然元李溥光詩鳥道盤雲上碧霄停驂俯仰欲魂消苔花鎖石堆雲錦梨葉經霜剪絳綃雲物迷人遊汗漫山靈策我上扶搖馬頭殘日西風起萬壑秋聲送海潮

香山 在廣昌城西南十里有古寺松柏甚多花木繁盛時異香遠聞號稱勝境

七山 在城西南三里其峯有七

白石山 在城東南三十里

孤峯 在太白山北形類塔高聳青霄明晏壁詩孤峯屹高撐聳秀若天柱林空露鶴巢徑狹通鳥路絕頂窮晴雲懸崖滴宿霧我來採瓊芝獨歸天欲暮

黑石嶺 在城北五十里

鐵嶺 在城東三十里色類鐵

驛馬嶺 在城西北四十里相傳紂姐已到此馬斃因名

插箭嶺 在城南三十里宋楊彥期會插箭於此

雕窩崖 在城東六十里舊有銀洞今禁採

龜崖 在孤峯北十里形如龜腳食其欲塞蜚狐口即此明晏壁詩石崖傲龜龜斷山中路連山森地形歸我自天賦長嵩像靈著流泉飛瀑布我欲問行藏只今無管輅

金河 在城東七十里石黃映水如金色

葫蘆河 在城北里許一名壺流河

拒馬河 在城西南二里源出七山下為泚水上流宋楊延昭拒敵於此

湯河 在廣昌南六十里源出靈丘由湯頭鋪流入唐縣因訛為唐河

七里河 在縣東七里發源金波泉東北入葫蘆河

暖泉 在城西二十五里夏涼冬暖

飲馬泉 在城西十二里

湯浴泉 在五臺山內浴可愈疾二源一涼一熱

甘泉 在太白山下明晏壁詩古井蓋幽亭清泉甘比蜜入口沉痾捐潔身塵穢滌煩火鍊黃精束薪煮白石若欲適靈源華峯高萬尺

滋泉 在城西南三十里一名神水泉東入葫蘆河有金人分水鐵匣明晏壁詩流泉南北分鐵板為界限涇渭辨河湟伊洛阻漣澗阡陌任縱橫隄防關塞散但願風雨調閭閻免愁嘆

金波泉 在代王城內味甚甘冽

馬跑泉 在廣昌城西南七十里楊彥期統兵至此乏水忽一白鹿馳過彥期乘馬而追以箭射之白鹿不見箭插於地彥期駐馬取箭馬以足跑地水遂出因名

泚水 在廣昌城東郊外發源北巖古塔下通拒馬河經紫荆關流入易州泚水縣界

東湖 在蔚州城東六十里周圍百五十步內種蓮明晏壁東湖曉望詩城東望平湖湛然深百尺一輪寶鑑明萬頃琉璃碧洞庭疑霞扶桑擁朝日何人蕩蘭棹浩歌採蓮實

石井 在城三里

西寧縣

盤崖山 在順聖西城北十五里

溜雲山 在順聖西城西南二十五里高出雲表

馬頭山 在順聖西城西南二十里名因形似獨山 在順聖西城南三十里復出羣山之表
大王山 在順聖東城北十里
榆林山 在順聖東城西南三十里
十八盤山 在順聖東城東六十里
大蟒山 在順聖東城東北十五里有蟒跡古曾有蟒毒人
鰲魚山 在順聖東城西北十五里有大石如鰲俗呼爲鎮水魚狂瀾至此輒息
歪頭山 在深井堡南十三里
五岔嶺 在順聖西城東南四十五里路當通衢故名
樺嶺 在順聖西城東南四十五里
滴水崖 在順聖西城西南二十五里半崖滴水明朱長春滴水崖記滴水崖距雕鵲堡四十里北接獨石東衝滿套天克泥丸黃毛駐牧之地戰壘行營歷歷可指近史會車戎二部落夾山支帳密邇視窺故其城守視他堡尤宜加意云滴水崖環山面水有朝陽洞爲此崖勝處其南近建橋梁以障崖水居人便之
盤巖洞 在順聖西城南四十里
桑乾河 在順聖西城南二十里源出馬邑洪濤山下與金龍池合流東南入蘆溝河
西沙河 在順聖東城西一里泉水湧出南流入桑乾河
龍王河 在順聖東城東一里泉水湧出南流入桑乾河

順聖川 在鎮城西南一百里川中有龍池永樂中嘗產龍馬于此
苞香溝 在縣西南三十里出葉本諸香棘針溝 在順聖東城西北二十里
大峪溝 在順聖西城牧地在大峪溝城南
黑龍灣 在順聖東城東南二十里
大海子 在縣東北深井堡東二里相近有小海子
玉靈池 在順聖西城南三十里旱禱有應
柳園泉 在順聖西城南二里居人引以灌田
一突泉 在順聖東城東北三十里
溫泉 在廢順聖縣東二里
三泉 在縣東南二十里有三泉堡
九女池 在順聖東城東北三十里舊傳有九女浴此
八角井 在縣東八里
火井 深不見底炎氣上升常若微電以草繫之則烟騰火發明孫世芳詩乾坤開闢此焚臺司短何從取燧來隱隱電傍滋爨草深深泉底鬱燻煤秦民琢石空傳語晉氏然薪正惜材我欲借爲長夜照無須瓊雪更巖災
懷安縣
雲頭山 在城西南三十里有雲覆山頂卽雨明岳倫神石生雲詩奇石初生潤黑雲已撼山乘時自海掀作雨徧區寰變態仍無跡巉巖何可攀捫蘿時一坐明月照潺湲
栲栳山 在城北八里

白腰山 在城東北三十里高聳壁立腰有白土如帶人用之以塗壁
平頂山 在城西三十里內有天窖洞四圍俱山一穴而入可避兵
駱駝山 在城北二十里形如駱駝然
虎窩山 在城西南三十里崖畔水出盛夏結爲冰柱至隆冬反釋明岳倫虎窩夏冰詩僧定秋龍冷山靈夜虎馴冰花三伏結石蘚四時新雪覆千巖雪山寒萬石嶙峋蒸時一過冽冽冷侵入
熊耳山 在城南二十里
狼山 在縣西十五里北魏天賜四年如狼山至延水觀魚卽此明永樂中成祖駐蹕于此改名良山又懷來縣亦有良山
花山 在懷安衛西北三十里春夏有花盛開上有池歲旱取水澆雨輒應明岳倫花山鋪錦詩晴日山前路花開到處春俗嫌金谷富仙億武陵眞柳葉遍溪綠桃花夾岸新年春社後簇簇看花人
孤山 在萬全左衛城西南四十里
紅塘山 在萬全左衛城南十里下有河其地產西瓜甚佳
香爐山 在萬全左衛城西南四里形如香爐
侵頭山 在萬全左衛城西南十五里
沒皮山 在城西南十里草木濯濯然
華山 在西洋河堡東南十里
雪嶺 在西洋河堡東南八里元劉因雪嶺遇

雨詩天爲西遊餉我晴野花啼鳥效平生今朝

雪嶺初逢雨應是郎山帶帽迎

花皮嶺 在萬全左衛東南十五里

枳兒嶺 在縣西三十里

斑石洞 在雲頭山中相傳爲仙人煉丹處明

岳倫斑石常春詩精抱乾坤秀靈吞日月英黑

花開間錯索質轉精瑩秋月流雲潤春山見曉

晴何當竹房畔吟弄有餘清又洞天煉藥詩石

洞何年鑿巖陰長碧無穿雲妨徑側引燭聽人

呼搗藥杵猶濕吞霞人已無年來有遐思杖屨

一生吁

水溝口河 自天城衛流入經衛西南三十里

折而北流至衛城西北合柳河水又東北經衛

城北入萬全左衛界又有柳河亦在衛西南三

十里源出衛南山後東北流入水溝口河

洋河 在城北五里自西河口流入境內城北

與東河合至保安與桑乾河合達於蘆溝

東洋河 在柴溝堡西北八里

西洋河 在柴溝堡北百步

南洋河 在柴溝堡西南五里

燕尾河 在柴溝堡東七里許蓋東南洋河合

流處形如燕尾

柳河 在城西七里東入洋河其經萬全左衛

東一里謂之東河可資灌溉

靈潭 在華山下旱禱即應明岳倫碧潭映月

詩潭水遶四澤盈盈何古今臨溪清見影照月

洞無陰莽莽百草時時鳴亂禽中秋當夜黑

坐向此披襟

沙城暖泉 在柴溝堡東北八里其水冬溫夏

涼愆然上溢明岳倫溫泉冬沸詩泉溫波沸雪

地燠氣常春雷風牛戢戢義月馬駝號周歲仍

浮凍四時還綠蘋葭葭蒼翠聚時有避秦人

塔兒泉 在城東南一十五里有古塔高四丈

餘內有番書泉脉下出冬月生款冬花

海眼泉 在水溝山陽上有古塔鎮之相傳塔

毀則水溢

冷泉 在萬全左衛城西三里

鶴子水 萬全左衛牧地一在鶴子水一在洋

河灘

牛心川 在萬全左衛東南四十里

西海子 在萬全左衛城西水環三十里流入

洋河

延慶州

東巖山 在城東北十八里下有東巖寺遺址

紅門山 在城東南二十里山高三里明趙狙

紅門春曉詩路從谷口入曙色東方動青山豁

四圍黃鳥時一弄溪迴徑轉迷風暖花香送不

逢異人出恐是桃源洞

佛峪山 在城西北三十里下有溫泉

阪山 在城內黃帝與炎帝戰處

歷山 在城西北二十里形似覆釜相傳舜所

耕處

東螺山 在城西北三十里山高七里許

畫字山 在城西南四十八里

水峪山 在城西南五十里元王憚遊水峪詩

雨沐山容曉更鮮峪深行入洞中天林間石礎

傳金鉢嶺掩雲封種玉田世味酸鹹誰自信人

生聲利古難全道人歸潔宜諸此抱石歸來黃

夜泉明趙狙峪口樵歸詩丁丁伐木聲響振青

山外落日負薪歸長歌起延瀨登登不憚勞欲

向城中賈路嘆行人稀山妻倚門待

石佛山 在城西北五十里巖中有古佛像因

名

西螺山 在城西北六十七里

獨山 在永寧城西北十五里其形獨立故名

亦名團山明趙狙獨山夜月詩孤山頂上月團

團仙掌高擎白玉盤咫尺冰輪移萬里分明弱

水浸三山瑤臺有雪渾如畫碧海無風本自寒

更待夜深霜露墮海天遶鶴一飛還

縉陽山 在永寧城北十三里一名龍安山元

馮海粟縉山道中詩榆林東北縉山園百嶂千

峯畫卷揮毫影搖搖人意懶秋風及早送將歸

雙髻山 在永寧城東北二十里絕頂有雙峰

並峙狀如髻然又名仙髻明羅存禮詩千古坤

靈踏巨懸梳雲綰霧勢爭豪苔痕有雨青螺滑

圭寶無塵白燕高月裏嫦娥看曉鏡花間王母

插春桃遙空更羨修眉巧不假張君一染毫

官帽山 在城北十八里狀如幘頭因名又名

東崖山

應夢山 在城北二十里昔遼蕭后嘗應夢建

寺於其巔因名

香爐山 在城北十八里以形似名
擎笏山 在城北二十里峭拔孤立如擎笏狀
因名

鐘山 在城北十八里形如覆鐘其巔有石如
鈕

石門山 在城北十八里其中有洞如門南北
通明

五龜山 在城南三十五里
柏鈴山 在城西南四十里上多柏樹

神會山 在城東北二十五里
玉峰山 在城南四十里

金剛山 在城東北二十五里兩山相抗勢如
金剛

古城山 在城東北二十五里
筆架山 在城南十里三峯突起若筆架然

將軍山 在城北二十五里
羊頭山 在城南二十里其山昂若羊頭

蟒山 在城東南二十里形如蟒頭
大翻山 在城北十五里山有王仲廟仲字次

仲泰始皇時變蒼顏舊文爲今隸書帝使徵
之不至始皇大怒檻車迫之次仲化爲大鳥出

於車外翻然高翔至於西門山落二翻因名鳥
翻山

小翻 與大翻山相聯差卑
盤道山 在州北三十里相近有草梁山

大海沱山 在城西北三十里佛峪西北接漢
來衛界高百仞許下有龍潭

梁山 在末寧衛東二十里
多景山 在末寧衛西北十里
長生山 在末寧衛東七十里

龍爬山 在四海冶堡東南八里
黑頭山 在四海冶東三十里

無影山 在末寧衛西十里
虎皮山 在柳溝城西南六里

老君山 在礬山堡東北三十二里
神仙山 在末寧衛東北二十五里相傳有仙

煉藥於此今有奕局坐臺
小礬山 在礬山堡西北三十五里青礬白礬

土粉俱出礬山土粉色白可漿衣
閭王嶺 有二其小者在城西三十七里大者

在城西南三十五里
地椒嶺 在城西北四十里產地椒

分水嶺 有二一在城南四十里一在城北三
十里

乾溝嶺 在城西北二十里
大石嶺 在末寧東北五十里

長城嶺 在末寧東九十里
東灰嶺 在末寧東南十五里

西灰嶺 在末寧南十二里
大石嶺 在末寧東北五十里

驢鞍嶺 在龍爬山東南一十三里其狀類驢
鞍

撥雲崖 在城北二十里
栖霞崖 在城東南二十五里

榛坡 在城西北十五里產榛仁
嚼草坡 一名白草坡在城西北十五里

紅土坡 在城東北二十五里
金真洞 在城西北三十餘里洞中有石牀石

凳
板橋河 在城西北十五里源自板泉發
黑龍河 在城西二十里

臨河 在城東八里
大柳河 在城西南二十里源出養鵝池

閭河 在城西南三里
瀑布泉 在擎笏山中飛流直下冬月凝冰遙

觀可愛
白馬泉 在城北三里其深莫測末樂年水自

地湧數尺嘗有白鳥夜見
蓮花池 在四海冶堡南

神仙溪 在末寧衛西北二十里
保安州

黃陽山 在州西北二十里相傳驪仙黃伯陽
修煉于此故名傳有香蜂寺臥雲刹基址蒼巒

聳秀雲發則雨上爲清涼寺其東巖有松門
香峰山 在州西北二十里與黃陽山相連一

峰聳秀
保寧山 一名塔山在州正西二十里黃陽山

之南末樂年間神僧建塔山巔鑿井七明三暗
四

鷄鳴山 在州東北二十里洋河繞其下爲州
巨鎮唐太宗北伐至此聞鷄鳴因名

涿鹿山 在州西南二十五里黃帝所都舊涿鹿縣今爲保岱堡

五福山 在州西南三十里俗名小五臺筆架山之裔

西靈山 在州南八十里即大礬山

東靈山 在州東南九十里即小礬山兩山經年積雪望之若礬故名

寶峯山 南山之總名廣三百里又名天橋山說爲奇山

南北孤山 在州西十里兩山對峙

四項梁山 在州西三十里週圍石骨嶙峋山頂有土田四百畝登之四垣齊密隱如城郭不知爲萬仞山巔

窩棚山 在沙城堡西南十里

隆福泉 在州東北十五里流爲清水河

紅花泉 在州東南二十里今涸

溫泉 在州東南四十里今涸

五福泉 在州西南三十里出五福山四項梁山兩山下其流爲龍門瀑布

楊莊泉 在州西南五十里九家園山神廟下與岱道泉同時湧出

北泉 在沙城堡正北二里數泉相接園圃資

灌溉焉

海兒窪 昔滋稻田今廢

龍湫 即阪泉一名黃帝泉在保岱堡八景之一今涸

舜池 在州南七十里今無考

黑龍池 在州南五十里後所四堡池周十畝水黑如漆

白龍潭 在保安新城東北四十里距州八十里潭口石骨生成水淺深不可測有白龍出沒其中近潭居人盡見之風雷閃爍蜿蜒靈怪不可名狀

水利附

府總

北泉 在沙城堡正北二里數泉相接園圃資灌溉焉

柳溝

在葛峪堡東三里有泉南流成河居人利之

龍池泉

在萬全右衛德勝關內水清澈如鑑南引入城可灌蔬圃

娘子山泉

在龍門守禦所娘子山下泉水溢

出勢甚浩瀚可資灌溉歲旱禱之即雨正統十四年竭今漸溢出

清水河

在州東十二里可灌稻田百餘頃

後溝泉 在州南六十里後溝村居民引水作

碾北流至董家園山田稍稍被潤

欽定古今圖書集成方輿彙編職方典

第一百五十一卷目錄

宣化府部彙考三

宣化府城池考

宣化府關梁考

宣化府封建考

職方典第一百五十一卷

宣化府部彙考三

宣化府城池考

本府宣化縣附郭

宣化府城池 本元宣德府城明洪武二十七年谷王命所司展築周圍二十四里有奇門七

東曰安定西曰泰新南曰昌平曰宣德曰承安

北曰廣靈曰高遠後止甬四門其宣德承安高

遠並室之宣德初永寧伯譚廣來鎮增建城樓

角樓各四鋪宇百七十二間正統庚申都御史

羅亨信疏請磚石包甃至丙寅秋九月工始完

其城厚四丈五尺址甃石三層餘用磚砌至梁

口高二丈八尺雉堞崇七尺通高三丈有五尺

面闊則減基之一丈七尺四門之外各環以甃

城甃砌如正城之法甃城之外又築牆作門設

鈞橋遇警則起以絕姦路陸壘淺狹尚有待於

濬濬復即城東偏之中築重臺建高樓七間崇

四丈七尺餘五寸深四丈五尺廣則加深二丈



五尺五寸焉上置鼓角漏刻以司昏曉晝夜十二時之節俾人知警動而不懈于經理其簷二級南扁曰鎮朔北扁曰麗譙隆慶二年加修後築城外四圍土垣復修四甃城樓製四面梁口皇清康熙十五年重修三十八年補修四十六年又重修

外州縣 按赤城縣即赤城堡舊全縣即萬金右衛縣即蔚州衛西寧縣即順遠西城懷安縣即懷安衛以上七縣俱屬志今悉依各堡衛城邊舊制

赤城縣城池 高二丈九尺周圍三里一百四十八步城樓二角樓四城鋪十四門二東曰崇

寧南曰大定明宣德間陽武侯薛祿景泰初都

督楊洪修甃

萬全縣城池 高三丈五尺方六里三十步城

樓角樓四城鋪三十二門二南曰文化北曰德

勝南一關明洪武二十六年磚石包甃

龍門縣城池 高二丈五尺方四里五十三步

城樓二角樓四城鋪二十六門二南曰迎恩東

曰廣武明宣德六年築南一關俱磚甃

懷來縣城池 高二丈九尺方七里二百二十

三步城樓三角樓四城鋪二十八門三東曰明

靖南曰寧恩西曰永安本元舊城明末築二十

年展築正統初遊擊將軍楊洪石甃

蔚縣城池 周大象二年築明洪武七年指揮

周房因舊址重築城高三丈五尺堞六尺四面

各建城樓下則開門以通耕牧俱三級五楹

城四角各有樓如門制敵臺樓二十有四楹級

殺之更鋪間樓一置門外仍建甃城城亦設小樓則二級一楹門三東曰安定南曰景仙西曰清遠北故無門而樓則與東南西南並時城外包以磚石高厚峻整極為完固屹然燕代巨防嘉靖間巡撫御史閻鄰胡宗憲因城樓圯壞相繼修飭

西寧縣城池 明天順四年築周圍四里十三步高二丈五尺廣二丈門三東曰定遠西曰鎮遠南曰朝陽城樓三城鋪十四嘉靖二十四年參將楊鉞重修

皇清康熙七年修葺

懷安縣城池 明洪武二十五年築周圍九里十三步高三丈五尺廣二丈二尺門四東曰迎

恩西曰思惠南曰永安北曰鎮寧城樓四角樓

四城鋪五十三隆慶三年磚甃

延慶州城池 城高二丈二尺周圍四里零一

百三十步雉堞七尺梁口三尺五寸厚四丈三

尺池闊二丈深一丈餘門三南門曰奉宣北門

曰靖遠東門曰致和明天順七年以磚石甃砌

保安州城池 城周圍七百九十四丈連女牆

高三丈五尺壕一道深二丈五尺明末築十三

年指揮王禮因舊補築嘉靖四十四年知州賀

漆守備周應岐重修後增開東門

皇清康熙五年知州竊先福因堪輿家言不利塞東

門築垣以示未閉三十七年重開

東路按宣府舊制各堡衛分爲四路以警衛統

其各路堡衛詳列於後以備參考